



04310 ✓

閩中李素園著

遜園草

師白堂藏板

題辭

論詩者百變而居要僅一言曰
似詩乃今之爲詩者吾惑焉以
爲文章則無是體以爲符咒則
無是教以爲方言則無是地以

杜冠辭

爲詩則絕無一毫之似是何爲
者耶夫詩非鬪博之物况擗扯
破碎祇見其至窮乎嘗與遯園
先生私憂之思救之以真博真
響恨余識到而力不到以工不



能專故也而遯園近詩固已識
力雙到舊手新機別開一境可
以云救矣顧世之稱詩而左右
望者彼其意豈在詩雖有良藥
將泛之於地然則吾與遯翁更
勿復云救但相勉以密存詩道
之面目以俟後之觀者曰是詩
也可矣

杜題辭

二

康熙癸亥冬同研弟杜濬題於

金陵之大夢堂

杜濬

題辭

宋人極力摹杜而爲年代風氣
所囿今人專崇尚宋人又且奉
宋人以攻唐人卑靡淺滑愈趨
愈下素園先生只以杜少陵爲

鄧題辭

歸不爲時說所動近詩高古渾
雄直臻最上世豈有能抗之者
乎癸亥寒日客秦淮讀其新篇
呵凍書此

舊山弟鄧漢儀



題辭

向讀遯園先生詩力追盛唐且
力追太白不獨不爲宋人竝中
晚尚置之也別先生三年餘昨
從建武歸來先生以近詩見示

龔題辭

則格調更進似白太傅似杜少
陵尤復似陶似謝吾無以測先
生矣先生盛年解組築幽棲別
業於清涼山下題曰遯園夫遯
之義豈易言哉昔人云林下何

曾見一人必如先生之胸次先生之手眼始可以言遯始能以遯自安否則未可語遯亦未知遯之義爲何如也惟能遯則爲真人惟能遯始有真詩然則先

生之詩非進也是遯之所蓄積者愈深故其語自颺發而愈覺其美也他人極力握管日事吟政本無遯懷安得有遯句哉無怪乎茶邨之以不似目之也似

卽是是卽似惟真人乃有真詩
其信然哉其信然哉

康熙甲子春日秦淮後學龔翰

題於根味堂



龔題辭

三

遯園草自序

甲子之秋李子復刻遯園詩草
客復問李子曰子亥歲之爲是
園也春始之夏成之而集中之
詩則起於庚申之秋相去幾三

李自序

載矣而槩名之遯園草可乎李
子曰子謂是集之起於申秋也
是則然矣豈知予申秋後之詩
多率意應酬之作乎迨建園以
後氣體稍清取舊稿細閱方覺

淺易粗疎可存畱者甚少則今日將刻遯園草而閱癸亥前之詩亦猶將刻悔齋詩而閱出門吟時之作也因是復畧加去取汰陋刪蕪錄其稍幾於道者得

李自序

二

若干首以付梓人則是集之詩雖起於庚申之秋而校定之功則斷自甲子之夏此遯園草所由名也蓋歲月易換學問無窮後之視今亦猶今之視昔予前

序已曾言之矣此不獨詩也大
而經世大文小而制義末技亦
猶是也可嘆時代浸卑學人漸
少間有寸篇隻句見稱於人便
詡詡然以爲造極登峯畫地自

李自序

三

止何怪乎唐風不振雅道衰微
乎今之君子苟欲致遠窮深進
脩靡倦思前途之難盡覺去路
之多非汲汲孜孜不甚輕忽予
言則亦庶乎其可也

康熙甲子孟秋閩漳隨緣道人
李贊元匡侯氏題於金陵旅
次之遯園



李贊元

四

遯園草目錄

五言古體

正月六日杜茶村借胡致果枉顧畱飲卽事

同用開字

辛酉燈夕後二日杜茶村初度集飲尊野堂

有賦同用喜字

春日集飲劉勉恕怡園同用題字

花朝同杜茶村鄧孝威范汝受集飲高座精

遯園草

目錄

舍限青字

春日謝公墩懷古限色字

春日重遊快秋亭遙望謝公墩再同杜茶村

辛作仍用色字

解禊詩限禊字

贈江門雙節

燈夕杜于皇曹秋岳孫豹人葉桐初集飲師

白堂同用煖字

紅橋泛舟至平山堂

弘濟寺訪蒲菴和尚

田家樂

田家苦

送曹秋岳司農歸越二首

獨不見

遯園梧桐

除草

種瓜豆詩

有序

七言古體

春日招杜茶村鄧孝威遊長千里同用杜少

陵樂遊園韻

遯園草

目錄

二

雨後往南郊看牡丹過登實僧舍花前集飲

為覃懷龔足子太守疏通濟水作

癸亥夏予遯園落成曹司農秋岳見過贈詩

次韻賦荅

野叟行

前寒食行

後寒食行

潞琴行

秋閨曲

五言近體

秋鶯次韻

寒食次韻

辛酉春杜茶村畱飲卽事同用年字

杜茶村初度集飲限歡字

怡園集飲同用詩字

春暮集飲方南董瞻雲堂限韻二首

杜茶村將往維揚有詩畱別賦四律贈送

過尊野堂送杜茶村渡江畱飲限齋字

懷杜茶村

黃河阻風

遯園草

目錄

三

夏日遊秦園二首

晚泊

早發

江村

廢城

壬戌歲暮同杜于皇曹秋岳集飲高座寺精

舍四首

夏日遯園雜詠八首

有序

重陽阻雨

重九後四日同杜茶村曹秋岳葉星期劉雪

舫集飲宋以偉河亭六首

冬日同杜茶村鄧孝威宗鶴問登遯園草亭

共用高字亭字二律

遯地四首

壽郡丞朱喬三二首

七言近體

六卿弟自閩至吳晤於金陵寓舍庚申仲冬

將歸賦一律送之

遯園草

目錄

四

辛酉春飲杜于皇齋中限陽字

贈孫豹人

杜茶村吳菌次黃仙裳同過寓齋限樽字

壽吳菌次

旗亭有感

懷紅橋泛舟二首

壬戌初夏重遊百泉懷杜二于皇

後秋懷四首
贈曹侍郎秋岳

咸陽弔古

維陽弔古

鄴宮弔古

錢塘弔古

蜀漢弔古

送陸鶴田往山左二首

贈劉雪舫二首

送葉星期歸吳門

題金正夏餐勝樓

懷漳城二首

登清涼山絕頂四首

五言排律

壽曹司農秋岳

遯園草

目錄

五

五言絕句

懷遯園三首

覽鏡歎

漁家樂二首

訪山僧

少年行二首

采蓮詞

宮人夜怨

清溪返照

七言絕句

庚申冬鄧孝威見過贈詩次韻賦荅四首

集飲陳綠崖寓樓遲袁郎不至分得年字

孟冬月夜聽范可生彈漢宮秋操二首

潞王墳

銅雀妓

紅橋

舟子

清涼山遠眺

臨春閣故址

秋夜宮怨

秋夜聞笛

題吳昭昭秋山圖二首

題山草

目錄

六

蘇吳邵邵秋山圖二首

舟子宮怨

秋夜聞笛

清涼山遠眺

臨春閣故址

紅橋

舟子

潞王墳

銅雀妓

孟冬月夜聽范可生彈漢宮秋操二首

遯園草

閩漳李贊元匡侯氏著

正月六日杜茶村偕胡致果枉顧畱飲卽

事同用開字

閉門謝人事。戶牖積塵埃。慮恐俗客到。車馬污
蒼苔。所愛少陵叟。數日時一來。詩文共討論。彼
此無嫌猜。復聞安國裔。夙稱白下才。幸偕杜老
過。陽和向我開。環坐吐玉屑。春風動八垓。媿無
遯園草

金谷讌聊傾柏葉杯。憶昔金谷會文章。闢草萊。
淪沒千餘載。典型竟成灰。俗儒強捉筆。離畔無
取裁。目擊雅道喪。惻然有餘哀。起衰與救弊端。
賴老成材我輩須努力。白頭何媿哉。

曹秋岳曰自待不薄

惟茶村足以共之

陳綠崖曰眼大如
箕固已瑣瑣諸子

辛酉燈夕後二日杜茶村初度集飲尊野

堂有賦同用喜字

我宅水西隈。君家北山址。西北各異隅。相去亦
匪邇。感君愛我深。時時勞杖履。我亦喜君來。每
來必倒屣。首歲傳柑後。江梅政放蕊。遙望少微
精輝光。照杜里。樞衣上君堂。春風落庭庀。圖書
既滿牀。樽壘復盈几。一杯恭獻壽。主賓無彼此。
況復德星聚。謹談恣歡喜。時茶村令子弟姪
及胡靜夫皆在坐與
極頻飛觴。寧計粗與美。肉食辦甘肥。錦筵亦徒
爾。結交不須多。所貴在知己。齊名豈偶然。漢唐

遯園草

四杜李

陳綠崖曰不加脂
粉而自然雅致

黃仙裳曰品格文章皆力
追古人先生自命何等

春日集飲劉勉恕怡園同用題字

閩海干戈起。晨夕厭鼓聲。骸骨溝中滿。荒郊白
日淒。室廬經蕩析。饗殮僅糝藜。故鄉難回首。暫
從白下棲。無力營別墅。卜宅水之西。宅中多俗
物。但聞犬與雞。劉子青雲器。拆東來招攜。名流

四五輩白髮頗相齊。入園恣盼賞。曲折望中迷。
花石非一態。幽禽向我啼。醇醪兼美饌。每酌必
文犀。典劇遲分手。霜華濺馬蹄。嗟彼豪貴兒。見
客避深閨。甘肥徒自飽。門高不可躋。子誼薄霄
漢。誰能別高低。片詞聊相贈。醉後爲君題。

曹秋岳曰

不可一世

黃仙裳曰一片功力鎔鑄而出無一字一句
不佳友夏云圈點所不能加是古人大處深
造此道者
方知之

逐園章

三

花朝同杜茶村鄧孝威范汝受集飲高座

精舍限青字

花朝芳節至。春色滿簾櫺。呼僮招好友。攜手訪
禪扃。行行至幽徑。梅花已稍零。登高縱四望。楊
柳亦垂青。東風吹百卉。几席有餘馨。奈何闔海
地。燐火蔽郊坰。龍蛇方起陸。白骨浩冥冥。此地
逢佳勝。我心豈不寧。況有吳楚秀。文章存典型。
置酒南窓下。揮杯安可停。痛談天寶事。不知醉

與醒莫效東晉老慟哭宴新亭

黃仙裳曰順筆敘去其轉變停頓收繳處俱有筆力

龔文思曰飄逆韶秀在陶謝之間

春日謝公墩懷古限色字

晉室遷江左。白日正西匿。戎馬蹂中原。隣寇殊
感逼。況有肘腋憂。權奸亦反側。諸賢樂倫安。冠
蓋盡默默。安石出東山。廟堂藉羽翼。雖有宴游
心。無礙康濟力。斯人沒千載。風流已衰熄。但存
遯園草。

四

臺墅名僅見荆與棘。春來草木佳。予懷在登陟。
芳墩動憑吊。懷想無終極。燁燁桃李花。空自長
顏色。九原不可作。臨風長歎息。

曹秋岳曰無限傷感屈盤行間不見跳盪之迹

黃仙裳曰一首懷古詩何減一篇史論豈尋常宴游可比誰謂詩歌不從古文中來耶

春日重遊快秋亭遙望謝公墩再同杜茶

村作仍用色字

二月風日佳。良辰不易得。士女同懷春。車馬錯

如織草亭復重遊樽酒快胷臆亭前桃李花尚
未改顏色高原恣遠眺臺榭紛何極羨彼謝公
墩置在冶城側吾聞謝太傅勲名震九域時暇
樂登臨時艱則破賊爲蛇復爲龍賢者詎可測
所以李謫仙顧墩三歎息我亦謫仙後曠懷難
久抑此日望芳踪不覺深相憶吊古有餘歡遑
恤夕陽匿遊覽思哲人此意誰能識

遯園草

黃仙裳曰山濤謝安兩公皆以度勝山酬飲
竹林却謂不宜銷兵謝酷愛登臨却能破賊

五

真爲龍爲蛇人不能測
先生詩可當一則史論

龔文思曰寄懷
高遠卓爾不羣

解禩詩限禩字

稽古攷遺俗秦漢有修禩會飲在水濱本以滌
邪癘晉代寄風流因循遂著例迄今數千年前
徽已不繼時運經滄桑舊典多淪替區區一禩
除湮沒遑及計我有懷古心忍令芳踪逝暮春
三月三雲日見清霽折東致良朋和風送連袂

羣彥皆名通。胷中無障蔽。壘壘吐霏談。裴王安
足儷。草堂足勝遊。何須流水際。茲集追昔賢。讌
飲亦非細。賦詩傳後人。康熙辛酉歲。

陳綠崖曰。將古今無限廢興。升沉俱

借一禰發之感。慨淋漓可涕可歌。

黃仙裳曰。與右軍同一感慨。而命意不同。右

軍序紀年在前。此詩紀年在後。與古人參差

互用各

盡其妙

贈江門雙節

婦道卽臣道。千秋原並列。時平有賢良。家國無
遜園草。

六

優劣不幸遭。艱虞乃見忠。與節江氏著。新安遐
邇瞻。闕閤伊昔大。中丞直聲震。宮闕數傳國。學
公才華紹前烈。如何玉樓召。文星遽中折。維此
未亾人。何難死同穴。顧念藐諸孤。哀哀未忍訣。
茹荼三十年。寢食在水雪。脫珥並和熊。淚盡繼
以血。復有猶子婦。婺居操合轍。奈何遺胤殞。煢
煢形影子。叔姑憐同病。忍令先祀絕。經營爲立
嗣。前徽庶不輟。存孤古道難。偉哉大義晰。令子

今克家蔚然寰中哲。寧知撫諭勞。孟母心已竭。
列女傳重修。當補更生缺。紀事勒簡編。芳名豈
終滅。

龔文思曰可備家
乘亦可入國史

燈夕杜于皇曹秋岳孫豹人葉桐初集飲

師白堂同用煖字

予年漸向衰。性復好蕭散。八載臥衡門。幸得遂
所嬾。日入遽登牀。日出尚未盥。時閱古今書。不

遯園草

七

暇置長短。元夕天氣佳。雲日散和煖。燈艷欲薰
天。笙歌動翠館。此時冶游街。我行素已罕。悠悠
饑渴心。所思在良伴。諸賢過我廬。倒屣惟恐緩。
傳觴四五人。猶惜坐不滿。緬昔香山翁。風流恣
任誕。相傳千百年。忍令音徽斷。逸興發清言。中
山安足算。卽此有餘歡。何必絲與管。

龔文思曰不暇置長
短妙於不求甚解

紅橋泛舟至平山堂

鼓。柅。泛。清。溪。沿。流。隨。所。致。水。木。相。糾。纏。谿。路。窈。
然。邃。亭。臺。何。透。迤。參。差。勢。各。異。清。風。水。上。來。荷。
香。十。里。至。遙。望。平。山。巔。堂。在。雲。中。寺。攜。杖。勉。攀。
躋。不。憚。足。力。躓。曲。逕。落。松。花。但。見。崖。谷。翠。登。樓。
聊。縱。觀。萬。象。難。終。秘。南。北。雖。分。疆。混。茫。如。一。氣。
陵。谷。紛。錯。列。俯。視。無。軒。輕。美。哉。先。賢。功。永。絕。塵。
世。累。後。人。守。遺。踪。敬。之。慎。勿。墜。

鄧孝威曰氣韻蕭疎何減右丞石門精舍之作

遯園草

八

弘濟寺訪蒲菴和尚

泊。舟。燕。磯。下。仰。瞻。弘。濟。嶠。愛。此。景。物。幽。捨。舟。恣。
登。眺。數。折。至。山。門。石。壁。何。奔。峭。天。風。吹。林。木。萬。
籟。同。一。竅。入。寺。見。湯。休。兀。坐。在。花。笑。和尚有示
花笑軒
我。山。中。吟。下。筆。殊。高。妙。坐。談。至。夜。深。詞。旨。亦。清。
要。儒。釋。原。異。門。於。君。乃。同。調。悟。來。難。長。寐。起。聞。
晨。鳥。叫。長。揖。返。蘭。舟。翛。然。自。長。嘯。

鄧孝威曰孟襄陽終南翠微寺作豈能過此

田家樂

築室北山村。門前數株柳。四隣皆古風。夜戶不
須守。晨雞起我寐。東方明。戶牖飯牛呼。同羣薄
言往南畝。婦子皆忘勞。犁鋤常在手。幸遇天時
佳。復得免根莠。歲熟頗豐登。難計及升斗。公稅
先儲倉。餘糧備餬口。秋田尚數區。收來釀醇酒。
既以賽神明。亦可待好友。好友過我廬。坐定卽
開甌。僮僕喜有秋。欣欣樂奔走。典深明月出。光
遡園草。

九

輝照林藪。胸懷四望。開豁然無塵垢。潦倒縱高
談。不知是與否。此中趣已多。富貴亦何有。

龔文思曰逼
真靖節矣

田家苦

我本農家流。營生在治穀。託居田墅間。誅茅構
一屋。四時力耕耘。所望黍稷稔。豈虞水旱災。五
穀竟不熟。數口常啼饑。長日食一粥。租主到我
門。又要酒與肉。無計可完租。到市賤賣犢。中途

逢里胥。攘臂兼努目。欲索雜派錢。斗糧米一斛。
慮恐我奔逃。挾我城內宿。嚇促到縣門。我行實
踟縮。涕泣告里胥。乞勿相迫蹙。放我早還家。誓
將兒子鬻人。豈不愛子。所憂在鞭朴。鬻兒兒分
離。舉家相向哭。我生命如此。胡不早填谷。

龔文思曰。寫田家之苦如數家珍。抵多少無家垂老別。

送曹司農秋岳歸越

啾啾塵外鳥。鍛翻在江滑。朝餐原上草。暮宿林
遯園草。

下枝自傷羽翼短。天際邈無期。忽有雲間鵠。相
呼作等夷。中心雖感激。揣分本非宜。鴻鵠凌霄
去。離羣獨自悲。思欲隨鴻鵠。路阻不可追。徘徊
空佇望。此懷將告誰。

龔文思曰。得漢魏之神。不徒其形似也。

其二

采薪蓬蒿下。餐霞日月旁。相去霄與壤。遙隔各
一方。何幸蘆中叟。得登君子堂。君子堂何許。芝

蘭秀以芳。交情無旦暮。高誼薄冰霜。良期忽欲
逝。駕言返故鄉。山川旣修阻。握手安可常。中郎
杳難卽。夔桐空斷腸。歸舟不得挽。別意浩茫茫。

龔文思曰。置之古詩十九首中。誰能復辨。

獨不見

十五入漢宮。桃花並臉紅。卷衣玉帳側。拂枕御
牀中。對月吹金管。聞鶯彈翠桐。君恩無旦暮。日
日醉春風。飛燕驟承寵。主意遂西東。蛾眉祇見
遯。園草。何日見淚灑落花叢。

龔文思曰。是太白集中得意之作。

遯園梧桐

老來常苦熱。種樹先種桐。移栽纔三載。形勢欲
凌空。敷枝垂偃蓋。吐幹鬱青蔥。雖由培植力。實
藉造化功。緬懷龍門上。百尺接穹窿。削伐作琴
瑟。巧製在良工。郊社一彈奏。聲響與天通。百神

皆○下○聽○魚○鳥○亦○來○同○此○桐○雖○異○種○生○彼○朝○陽○東○
不○產○兵○戈○地○幸○免○斤○斧○叢○朱○天○布○烈○火○薰○蒸○大○
地○紅○瞻○望○扶○疎○影○嫋○嫋○起○清○風○長○吟○坐○其○下○豈○
不○灑○我○躬○幽○居○得○此○託○庶○可○慰○飄○蓬○

鄧孝威曰一花木題乃說到格天神動魚鳥
小中見大惟杜老長用此法餘人束手矣

除草

佳園種名花我心素所憐燥濕必以時護持無
暇隙如何地下草叢生浸相逼蔓延無終極祇

遯園草

十一

覺籓籬窄匪類既高張羣芳異夙昔堦前數武
區竟作虺蛇宅伏月氣鬱蒸炎天爍金石百彙
俱欲枯爾輩何狼籍行園聊縱觀惡此匪朝夕
芟除恐不盡豈憑一手摘大造胡太仁此物生
何益安得深秋來免彼斤鋤厄

龔文思曰滿腔不平
借題痛罵千古快心

種瓜豆詩有序

子遯園既成植名花數種間以竹柳蔚然可
觀矣但瓜豆諸物亦園蔬佳品命園丁及時

種之聊以遣懷亦可供客
也與會所至因作是詩

應接勞我神拜揖俯我首避地清涼山購園得
數畝園中數尺童聊足供奔走闢地植名花加
栽竹與柳瓜豆亦良蔬播種安敢後呼僮勤灌
溉努力去稂莠栽培及熟時嘗新待我友友來
采盈筐不暇計升斗薦以白玉盤猶可佐杯酒
雜之殺饌苟孰辨好與醜高門財如山七箸不
離手八珍旣盈列肥甘亦何有未知時運遷豪
遊園草

三

奢常在否菲菲園中實淡泊可長守納涼步芳
籬浩歌動戶牖寄語輕薄兒慎勿笑我朽

龔文思曰世人競事驕奢不知
回首讀先生此作能無汗下

春日招杜茶村鄧孝威遊長干里同用杜

少陵樂遊園韻

長干自昔號蕭爽春風披拂百花長木末亭頭
眺遠空鍾陵峯巒列如掌錦馬香車無盡期名
園翠墅恣歡賞可憐六季紛鬪爭烽火燒散端

門○仗○猶○存○巍○煥○祗○園○宮○朱○牆○畫○棟○黃○金○榜○乘○輿○
揮○觴○花○柳○前○酒○酣○且○臥○層○臺○上○憶○昔○邊○疆○鋒○鏑○
時○四○郊○枯○骨○亦○堪○悲○幸○全○餘○生○丘○壑○下○藜○杖○
鞋○安○足○辭○宴○游○原○因○聖○主○賜○白○髮○亦○屬○九○天○
慈○春○光○此○日○難○相○負○握○手○分○題○共○賦○詩○

陳綠崖曰俯仰升
沉不勝淒涼之感

黃仙裳曰和古最難況和杜乎此作
如自己出打成一片正是十分火候

雨後往南郊看牡丹過登實僧舍花前集

遜園草

十四

飲

桃○花○凋○謝○棠○花○落○坐○臥○閒○房○歎○蕭○索○忽○報○牡○丹○
正○放○花○不○憚○衝○泥○出○南○郭○零○雨○濛○濛○旋○復○晴○春○
光○駘○蕩○滿○江○城○青○鞋○踏○徧○長○干○寺○幾○處○名○葩○照○
眼○明○脂○粉○陸○離○別○樣○栽○醜○醜○雲○錦○自○天○來○羣○芳○
不○敢○比○顏○色○爭○向○春○叢○趁○早○開○此○花○西○洛○舊○稱○
神○巫○山○帝○女○是○前○身○百○寶○雕○欄○誇○絕○艷○妒○殺○沉○
香○亭○畔○人○時○代○遷○移○已○數○朝○名○園○翠○苑○俱○燼○銷○

如何傾國天香種。尚畱人間慰寂寥。始知尤物
天所愛。陵谷崩奔亦長在。只愁開落原有時。東
風忽忽不相待。我今徘徊翡翠前。銜杯顧盼亦
凄然。斜陽欲墮將分手。惆悵相逢又一年。

黃仙裳曰賞花是樂事。宕出感歎。有無限徘徊欲絕之意。猶記嘉禾吳統持鼎革後。邇來相國宅看牡丹。有句傷心。莫說開元事。有興還過宰相家。詩出同人爲之罷飲。

爲覃懷龔足子太守疏通濟水作

濟水發源自王屋。分流入與郡城通。陵谷遷移

遯園草

十五

久壅塞。誰疏舊跡闢混濛。世俗因循憚舉廢。況
有豪強沮異同。使君明威排異議。毅然修復曉
羣蒙。捐金勸勉先率下。四民從令如雷風。醜酒
烹羔相慰勞。奔趨老壯走兒童。或畚或鍤忘且
暮。子來不日成厥功。憶昔豫秦開水利。前有西
門後白公。寥寥千載誰繼美。覃懷太守閩海龔。
從此懷州無疵癘。歌者在路笑在宮。安得天下
百使君。太平盛事一日逢。

曹秋岳曰直
處乃見風骨

癸亥夏予遯園落成曹司農秋岳見過贈

詩次韻賦荅

世上解愁惟好友。生來最愛莫如山。況有清涼
跨虎踞林壑之勝。天不慳兼以羣峯相錯列。重
巒疊翠互迴環。春到山椒花爛熳。玉勒香車日
往還。時看谷雲飛靄靄。長聞好鳥叫關關。予也
棄綬十餘載。自憐齒落鬢已斑。無力逢迎羞拜

遯園草

十六

跪聊構數畝。養餘閒。呼童編籬并治圃。朝攬藤
蕪夕采菅。下士聞之亞然笑。謂予老朽拙且頑。
寧知榮華一朝變。絕世佳人盡改顏。園中村醪
蓄數斗。一代名流尚可攀。膾炮芳羞不必備。笙
歌妙舞亦堪刪。賭碁劇談無爾我。只少侍立清
雙鬟。典深同登千仞頂。大江之水何潺湲。名山
好友願已畢。何事長吟道路艱。

龔文思曰曠達之
語寫得淋漓盡致

野叟行

曠野霜深北風急野叟長歎百憂集借問老叟
何所憂舉頭欲言垂頭泣生來二男並一女只
望長大能成立長男蚤歲已充兵至今追悔嗟
何及時逢主將事邊荒荷戈枕血不敢藏數年
以來音信斷骨骸今已棄路傍次男種田僅十
畝歲歉苗稀難餬口昨日里胥到我門賣盡衣
裳與雞狗僅有一女工杼軸織絲數日盈一籠
逐園草

十七

家中苦饑叫嗷嗷尚可將絲往換穀可憐我女
已長成十日出嫁傷我情八十老翁何所望吞
聲拭淚返柴荆

龔文思曰慘目
傷心不忍多讀

前寒食行

荒郊塚上野草生荒郊塚上少人行悲風吹冷
寒食節塚上拜掃多哭聲哭聲漣漣跪獻紙相
離重泉僅尺咫何如顛連葬異鄉尸骸遠隔數

千里憶自海內起干戈。幾人得葬故山阿。壠月
淒涼空照樹。新鬼寥寥舊鬼多。今日墳前奠一
罇。死者得食生者存。地下有知應含笑。何必哀
傷枉斷魂。

龔文思曰情真語到杜老
把臂入林他人不得妄擬

後寒食行

壠柏干霄今已折。石碑嗟峨亦斷滅。原上悲風
日夜吹荒草。連天行路絕。猶憶當年送葬時。素

遯園草

六

車白馬護靈旗。薤露聲高山谷動。觀者嘖嘖盈
路衢。寧知地下骨未朽。田宅已屬他人有。室家
蕩析子孫盡。那得坐前一杯酒。可憐野叟一
疇。尚有親人燒紙錢。如何巍巍名墳道。荒蒿蔽
塚無人掃。

龔文思曰無限調笑無
限悲傷是一篇警世文

潞琴行

制器遙懷上古前。太昊立極始開天。削桐爲琴

垂永久。鬼斧神工。日月懸傳。至周家文與武。少
宮少商。增二絃。後代相沿。益加麗。龍鳳螭鸞。紛
糾纏。潞國藩王癖好音。徧索良工製瑤琴。目前
凡木皆棄。置賞心只在嶧陽岑。瑤琴製就。調朱
絲金玉。隱起煥迷離。蛾眉一彈清風起。政是君
王歡樂時。豈虞樂極去不還。赤眉烽火起秦關。
瑤宮珍藏遺散盡。僅畱絲綺在人間。我逢此琴
衛水濱。摩挲俯仰淚霑巾。南金購來重拂拭。見
遯園草

者咨嗟。驚若神憶昔匣中玉女裝。金扉碧殿發
光。苾寧知飄蕩。兵戈後復起。溝中覆錦囊。世間
萬事皆反覆。何獨一琴關。存亡萬事反覆悲。復
歌琴乎琴乎。奈爾何。

龔文思曰一潞琴寫出無限存亡
凄惻纏綿固連昌宮之遺調也

秋閨曲

秋水盈盈遶碧溪。烏鳥啞啞屋上棲。窮村僻巷
行人少。滿徑棠花蔓草萋。狂夫愛作他鄉客。年

年飄蕩東復西。妾身不憚尋郎去。但恐雲山長
路。迷空房寂對寒燈。語聞汝鳥聲更慘。悽汝何
不去。郎處宿五五三三。盡情啼使郎夜來不成
寐。或肯迴念到深閨。

龔文思曰末忽作無聊之想可謂怨極生癡又絕似婦人口中語妙妙

秋鶯次韻

四序已三變。尚聞黃鳥聲。花開誠有韻。葉落豈
無情。時過知音少。風高振羽輕。傷心歲欲暮。寂

遊園草

二

寞此中鳴。

曹秋岳曰
妙有寄託

龔文思曰寫
秋字刻露

冬月次韻

秋後冰天月清輝。迥不同。依然懸碧落。無復翫
晴空。光並千山雪。寒添五夜風。悠悠梅外影。散
入鴈聲中。

陳綠崖曰真
摩詰後身

辛酉春杜茶村留飲卽事同用年字

只此便堪醉何須列錦筵感君千古意散盡一

囊錢扶杖笑今日酣歌記昔年十年前曾為茶村留醉此堂

愁來無處遣酩酊老江邊

曹秋岳曰賓

主各踞勝地

黃仙裳曰使人

增知己之感

杜茶村初度集飲限歡字

一觥持獻祝滿坐盡稱歡未罄瓊粃醞先飲竹

遜園草

主

葉冠才華驚海內傲岸老江干梁大司農玉立有茶村傲岸因

不及薦喜極為君歎孤鴻天外寒辟之語

陳綠崖曰詩亦

有傲岸之氣

黃仙裳曰為

茶村寫像

怡園集飲同用詩字

何媿蘭亭勝相逢芳草時綠樽浮舊醞白髮賦

新詩烏落塘中影花然檻外枝低徊此日讌猶

悔掛冠遲

曹秋岳曰
何等溫厚

龔文思曰樂
天集中佳句

春暮集飲方南董瞻雲堂限韻

紅花雖已落。綠葉又叢生。共借樽中興。相從樹
下行。日移新竹影。鶯喚老春聲。真率主人意。園
蔬無限情。

曹秋岳曰婉

約不可盡

黃仙裳曰
氣道脉緊

遯園草

五

其二

問我神何暇。飄然已入山。看花隨意去。訪友欲
忘還。喜得三春醉。長銷一日閒。所嗟華鬢改。漸
換舊時顏。

曹秋岳曰漸近
自然所以爲佳

陳綠崖曰詩至此已臻化
境無聲色臭味可尋矣

杜茶村將往維揚有詩畱別賦四律贈送
跋涉君何倦。今朝又買舟。漫將白下興。復作廣

陵遊柳色照長路。帆聲催急流。意闌須返櫂。去矣莫淹留。

龔文思曰
警拔纏綿

其二

君是楚中秀。子家閩海濱。共營千載業。肯負百年身。薇蕨存高士。滄桑見哲人。圖書猶滿眼。四壁未稱貧。

曹秋岳曰高視千古
不止時流却步也

遯園草

三

其三

君愛廣陵好。揚帆初夏時。千秋遺勝蹟。一老到江湄。花柳藏魚艇。笙歌動酒旗。新詩應有賦。寄我莫教遲。

曹秋岳
曰橫絕

其四

握別情無賴。同君別更難。醇醪空自醉。好句向誰看。分手水西路。泛舟楊子灘。典典型人共。惜努

力○幸○加○餐○

曹秋岳曰先生取

友之正具見此詩

黃仙裳曰四詩深情古道心口低徊
足徵知已而神理一片正自綿邈

過尊野堂送杜茶村渡江畱飲限齋字

貧○來○君○欲○別○扼○腕○對○高○齋○言○念○伊○人○去○方○嗟○吾

道○乖○黃○鶯○啼○入○戶○綠○草○發○當○階○把○酒○看○行○色○驪

歌○愴○我○懷○

陳綠崖曰黃鶯二句絕唱
有庭草無人隨意綠之妙

遯園草

黃仙裳曰纏綿至情
一聲中有千聲萬聲

懷杜茶村

如○許○乾○坤○濶○偏○愁○黃○髮○人○數○奇○因○忤○世○才○大○不
容○身○肝○膽○豈○猶○衆○文○章○自○有○神○歸○來○重○握○手○杯
酒○話○風○塵○

曹秋岳曰通首真摯吐出肝
鬲飛動高邁幾軼古人而上

黃河阻風

急○欲○凌○波○去○胡○爲○大○地○昏○神○龍○翻○海窟○巨○浪○障

天門乍聽雷霆鬪。旋驚日月奔。旅懷無賴甚。俯仰欲銷魂。

曹秋岳曰
正與題稱

夏日遊秦園

不堪塵俗苦。乘興入秦園。已具山林勝。何知城市喧。新花香滿徑。老樹翠當門。異日如重過。當攜酒一樽。

龔文思曰
瀟灑出塵

遊園草

三五

其二

青紅紛爛熳。隨意坐芳茵。不事雕鏤巧。自然圖畫真。松梢鶯語嫩。竹下露華新。爲報園中主。無嫌來往頻。

曹秋岳曰
蒼古中忽
出秀句是日善變

晚泊

日隱江天暮。風輕暫泊船。落帆斜岸下。輟櫂白鷗邊。溪月起漁唱。村燈散浦煙。鄉中無戍鼓。高

枕且安眠

龔文思曰
適真王孟

早發

五更卽放棹。鷗鷺亂前溪。片艇凌煙渺。孤帆受
月低。鐘來遙辨寺。村近漸聞鷄。舟楫篙師路。朝
昏總不迷。

曹秋岳曰不以刻畫
爲工此大家法也

龔文思曰孤帆句
唐人未經道過

遜園草

三

江村

江上數茅屋。人煙殊寂寥。野蘿遮斷壁。枯木拄
危橋。溪近魚蝦賤。庭空燕雀驕。干戈幸不到。尺
土任逍遙。

龔文思曰落落
疎疎翛然自異

廢城

城邑何年建。傾頽江水濱。饑鴉啄敗瓦。獨月照
荒燐。樓上傳更廢。壕邊蔓草新。經過休歎息。廟

社已灰塵。

曹秋岳曰
悲警獨絕

壬戌歲暮同杜于皇曹秋岳集飲高座寺

精舍

遊山須好友。今日幸相逢。共踏雲中寺。遙聽空
外鐘。層巖封積雪。獨鳥過危松。一望長干路。爐
嵐翠幾重。

曹秋岳曰有縹
緲不窮之妙

遊園草

其二

杪。擢。前。代。樹。蒼。色。落。山。阿。偶。欲。窺。龍。象。相。邀。入
薜。蘿。逢。僧。須。問。道。對。酒。亦。當。歌。莫。笑。林。園。陋。朱
門。竟。若。何。

曹秋岳曰讀
之使人生悟

其三

陳思興不淺。子美尚能來。歡笑閒中酌。傷心亂
後臺。泉聲微入榻。牕影漸移梅。春日當重過。林

花莫緩開。

其四

嗟○哉○伯○氏○往○入○載○淚○霑○襟○幸○辱○先○生○念○彌○傷○後○
死○心○愁○來○聊○縱○飲○憤○極○復○長○吟○世○路○風○波○阻○燴○
霞○只○自○淡○予伯氏與曹司農秋岳同年
司農來詩有念及伯氏之詞

曹秋岳曰一氣迴環不畱
字句詩至此臻化境矣

夏日遯園雜詠 有序

余年衰多病頗苦應酬癸亥春乃構小園於
清涼山麓花木叢翠蟲鳥喧鳴雖難供遊翫

遯園草

天

之觀亦畧具山林之槩晨夕棲息其中人事
屏絕惟焚香煑茗書籍自娛而已因是遇感
興懷觸物生趣遂不
覺興之所至而成詩

老作歸休計城偏結小園編籬聊作戶種樹自
成村不識王侯貴安知車馬喧憤時予豈敢褊
性在蓬門

曹秋岳曰絢麗之至入於
和平此時賢所以讓能也

其二

避地清涼下聊營數畝宮雲霞紛几席梅竹照

簾櫳灌圃課園戶。攤書命侍童。脩脩方外想。此
趣與誰同。

其三

卜築傍林壑。幽懷到處生。偶依花底坐。時踏草
中行。交廣反招謫。才疎乃市名。此中榮辱少。閑
戶夢魂清。

龔文思曰通首幽秀而
交廣二語便成格言

其四

遯園草

无

獨上層坡頂。高深四望周。遙瞻孤塔峙。俯瞰人
江流。雲起千峰動。蟲飛一院秋。幸無軒冕意。麋
鹿可同遊。

曹秋岳曰
王孟神境

龔文思曰雲起
句句蟲飛句細

其五

世途多險阻。遯迹白雲邊。花氣簷前過。嵐光榻
外懸。歸鴉奔晚照。老樹抱朝煙。僕僕塵中客。幽

人獨醉眠

曹秋岳曰此意惟靜者知之

其六

地○迥○塵○囂○息○林○深○古○木○齊○苦○吟○遲○月○上○細○酌○聽○
鶯○啼○山○接○星○辰○逼○樓○臨○埤○現○低○興○來○無○障○礙○履○

杖任東西

龔文思曰氣體警拔

其七

遯園草

三

散○髮○長○林○際○振○衣○千○仞○臺○霧○消○天○闕○出○
園樓前有天闕

山○嶺○坼○寺○鐘○來○
園嶺外有清涼寺茶○竈○籬○邊○動○棋○枰○竹○

下○開○坐○談○無○俗○客○予○興○亦○悠○哉○

曹秋岳曰嶺坼句奇險亦復渾然

龔文思曰筆墨帶有烟霞

其八

蟬○鳴○綠○葉○下○風○到○北○牕○時○日○坐○藏○書○閣○常○吟○未○
穩○詩○蓄○琴○實○不○解○讀○史○亦○多○疑○此○意○誰○能○識○惟○

應達者知

杜于皇曰是真讀書人言世人烏足語此

龔文思曰悠然曠然之語寫出如語當從陶柳淘汰而出

重陽阻雨

思欲遊山去。如何天正陰。終風飄履杖。此日罷登臨。獨對籬花色。空聞塞雁音。閉門免落帽。醉舞自長吟。

龔文思曰樸老絕似少陵

遯園草

重九後四日同杜茶村曹秋岳葉星期劉

雪舫集飲宋以偉河亭

雨阻南郊路。相邀宋榭來。倚欄看綠葉。躡屨破蒼苔。細靄空中落。蔬筵水上開。半山何足羨。寓目盡樓臺。

原有半山報花園之約

其二

王風久已熄。大雅竟誰陳。何意蘭亭勝。重逢淮水濱。綠流搖綺閣。密雨淨飛塵。勿惜萸辰過。黃

花酒尚新

龔文思曰
秀雅絕倫

其三

喜得文人至。忻逢義士過。劉雪舫一風流宜笑。
詠感慨欲悲。歌交散黃金。盡情深。白髮多壯年。
無限血迴首。淚滄沱。

龔文思曰慷慨悲歌
幾於擊破唾壺矣

其四

遯園草

滔滔寰宇內。何處是知音。鍾子旣云逝。伯牙長
斷琴。蓬生彭澤徑。釣掛子陵岑。沉酒藏吾抽。猶
疑隱未深。

龔文思曰滿腔硯礪借杯酒發
之落句照顧宴飲尤見老手

其五

多少滄桑變。君家胡未更。益松兩代色。流水六
朝聲。雁影初沉浦。山容不放晴。典酣聊起舞。斗
酒一時傾。

鄧孝威曰金石之
聲溢於楮墨之外

其六

煙艇起漁唱。溪雲繞複房。微風吹淥水。蕩漾有
餘光。簾動飄長袖。窓開露半粧。湘潭誰得渡。咫
尺浩茫茫。

龔文思曰茗秀妍
艷如初出芙蓉

冬日同杜茶村鄧孝威宗鶴問登遜園草
亭共用高字亭字二律

遜園草

三

小築層巒頂。攀躋豈厭勞。俯看飛鳥影。臥聽大
江濤。但覺煙雲近。不知霄漢高。西方落照下。極
目見秋毫。

鄧孝威曰高聳
之氣干霄薄雲

其二

花樹稍完築。重營四面亭。半收流水碧。亭西南
二面俯
臨大。全擁列峰青。密草平斜磴。晴嵐照翠屏。空
中羣籟響。都在下方聽。

鄧孝威曰幽翠
滿眼如入桃源

避地

愛此幽棲地。寂無車馬塵。青山深寄跡。白日畏
逢人。閉戶非關懶。休官豈樂貧。只愁世路險。辱
及野夫身。

龔文思曰何減少
陵畏人屏跡諸作

其二

山花堪作伴。野鹿亦同羣。隨意牀頭杖。閒看嶺

遊園草

三五

上雲樵歌沿磻滿。月影入簾分。窈窕黃鸝叫。夏
來常飽聞。

龔文思曰飄逸蕭
疎掃盡人間煙火

其三

何須城外隱。地僻卽爲村。日檢三墳卷。時傾五
柳樽。鳥啼千樹曉。花發一窓昏。幸少高車客。無
勞掃葦門。

鄧孝威曰穆然以靜窈然以幽
非面壁深山十年焉能及此

其四

老來羞拜揖。遯跡入山林。三徑煙霞近。九關宮殿深。繡書容短臥。醉舞任悲吟。何日騁長路。空懷千里心。

杜于皇曰慷慨蕭騷如聞漸離之筑

壽郡丞朱喬三

大雅嘆寥遠。於今復見君。芳名馳海甸。彩筆動星雲。赤驥無長路。蒼鷹久絕羣。輝輝南極宿。散遯園章。

三五

照俱成文

其二

越水無虛秀。資生甫與申。千秋凝淑氣。一代見斯人。寶刃光芒濶。袞衣綸命新。南邦多雨露。波及野夫身。

龔文思曰春容大雅絕無頌禱陋習

六卿弟自閩至吳晤於金陵寓舍庚申仲冬將歸賦一律送之

數載闔疆路已窮。相逢白下夢魂中。一門異地
烽煙隔萬戶。傷心涕淚同。幸免鬚眉填草野。何
妨履杖任西東。歸途莫怨冰霜苦。南詔關河今
未通。

黃仙裳曰無限悲感于送弟一詩發之不獨雁行中斷惆悵河梁已也

龔文思曰傷心似少陵曠達似白傅

辛酉春飲杜于皇齋中限陽字

白下相知各異鄉。思君過訪在初陽。雲開壁水

遯園草

文園曉春到。鷄籠樹影長。

茶村寓宅在鷄鳴山下國學傍

十載

重登徐穉榻。一朝罄倒杜陵觴。盤餐味味皆甘
美。未許癡人造次嘗。

贈孫豹人

安國才華豈易儔。相逢白下幸同遊。聞聲已作
數年夢。覲面如瞻百尺樓。不盡滄桑淪故舊。尚
餘白髮護風流。異時若有登封頌。未必東山能
久留。

陳綠崖曰
文情澹蕩

杜茶村吳蘭次黃仙裳同過寓齋限樽字

蕭然一室自朝昏。避世何須郭外村。爲愛苦吟

常閉戶。每懷良友欲銷魂。坐中幸有商山客。

時主

賓四人年俱六十已上

几上可無彭澤樽。從此頻頻時過

我已教穉子候衡門。

鄧孝威曰七言律最忌堆笨又忌脆弱遜翁七言律諸作神情飛動而氣體復警拔真七言律化境豈尋常可到惟積學養氣人知之耳

遜園草

三

壽吳蘭次

偶厭紛華暫入林。丘園不負濟時心。風流日揖

鄭莊客。慷慨常歌梁父吟。茗水名高誇五馬。亭

阜紙貴購千金。先生有亭阜集著書自有無疆壽。何事

遊仙上碧岑。

旗亭有感

獨坐空齋羈影孤。行行郊外問當壚。悲歌到處
皆燕市。避俗何妨混狗屠。錦笛催觴聊縱舞。金

貂換醉任謹呼。由來馬上豪華客。半是高陽舊酒徒。

鄧孝威曰作詩無寄託感慨如上雞瓦犬耳此謔抵掌而談幾于目眦欲裂然却含蓄不露固風人之微旨也

懷紅橋泛舟

烽燧幸不到邦溝。一葉凌波處處幽。翠閣常懸清露影。晴雲欲灑碧潭流。千家玉笛搖江樹。十里荷花送畫舟。歸後興深猶悵望。紅橋時在夢遯園草

三

中遊

龔文思曰蒼翠欲滴

其二

偶然乘興到蕪城。習習微風片棹輕。帘影遙連燴樹暗。水光倒照玉樓明。鷗翻藻上銜花去。鷺戲沙邊俯草行。何日重遊簫管地。板橋月下聽歌聲。

龔文思曰燴雲滿紙可謂詩中有畫

壬戌初夏重遊百泉懷杜二于皇

白門六載憶蘇門。千里又來泉下村。曲徑依然芳草路。澄波不改舊時痕。重看樹色凌霄去。乍聽鶯聲帶壑奔。此日銜杯須好友。杜陵遠別欲銷魂。

鄧孝威曰文情搖曳踴躍有弓燥手柔之樂

後秋懷

建業名區號勝遊。曾陪畿輔控南州。石城日出

遊園草

三九

三山曉鍾阜風高二水秋。數代離宮空蔓草。千年戍壘亦荒丘。英雄割據皆如夢。惟見長江不

斷流。

曹秋岳曰整鍊處極似李頎龔文思曰巨麗中復寓蕭瑟

其二

八極軍書報蕩平。巍巍帶礪九重城。依然重譚歸王會。無復潢池抗上京。熊虎殿前齊釋甲。麒麟閣內已書名。可憐一夜秋風起。吹盡沙塲白。

骨聲。

鄧孝威曰音響噲吟如聞金戈鐵馬之聲

其三

乍聽砧聲報早寒。一天秋氣落長干。日華光射
琅玕鬢。山色青浮玳瑁欄。碧樹拂雲帘。館暮玉
簫醉客夕陽殘。只愁亭榭遷移盡。天寶遺民不
忍看。

龔文思曰艷麗場中忽生感慨乃騷人之遺也

遊園草

其四

一丘一壑是吾廬。面水依山且卜居。溪上閒垂
花下釣。竹間時讀意中書。空階葉落僮頻掃。曲
徑蓬生手自鋤。滿目煙波何處去。祇堪白髮老
樵漁。

龔文思曰拓落不羣有振衣千仞之槩

贈曹侍郎秋岳

河嶽鍾英降偉人。飄飄奔驥絕風塵。當年諫草

迴雷雨。此日才華泣鬼神。文獻兩朝存舊老。斗
山三輔在元臣。明廷屢下安車詔。何忍長留越
水濱。

咸陽弔古

秦關屢經玉輦過。地形天險壯關河。二嶠雲覆
南山樹。三輔風吹渭水波。陵寢低昂荒草合。樓
臺存沒夕陽多。金湯自古難終恃。試問長城今
若何。

遯園草

罕一

龔文思曰此題許渾劉滄俱有作若先見此
詩定將已作覆瓿矣所謂恨古人不見我也

雒陽弔古

東都形勢接秦關。隋晉皇居霄漢間。河水猶通
南洛道。陵碑已斷北邙山。上陽宮毀棲鴉去。金
谷園空蔓草閒。只有牡丹花尚在。芳華不改舊
時顏。

龔文思曰筆歌
墨舞此題絕調

鄴宮弔古

魏武經營鄴下宮。世龍繼起亦稱雄。中原鼎沸。霸圖出列國。兵爭王業空。銅雀臺高長控衛。披雲樓敞遠臨嵩。至今瓦石歸何處。惟見哀鶻淚。眼紅。

鄧孝威曰此雍門琴也使曹石輩早見此詩當心灰氣冷矣

錢塘弔古

南奔竟駐越王城。翠輦迢迢去汴京。最恨復仇無決策。如何任將只虛名。千官日醉湖山色。九

逖園草

聖一

廟潛移歌舞聲。秦賈喪邦今古痛。岳墳孤月向誰明。

龔文思曰將南渡君臣敗壞國家一筆寫出真老吏斷獄手岳公地下聞之應再痛哭矣

蜀川弔古

蜀川宗子固維城。漢室將頽一柱撐。早有草廬籌大計。何妨海宇起紛爭。三分天意力難挽。二表臣忠恨未平。正統應歸赤帝裔。是非論久自分明。

龔文思曰作詩論史須有確識正論方可捉筆此作以正統歸蜀漢固千古不易之論
杜茶村曰五首見地議論氣格神情寄託感慨至於詠嘲餘趣無一不極其妙必傳必傳

送陸鶴田往山左

石城北發望悠悠長路間關野色秋獨鶴遙從
雲外遠三齊偶在夢中遊天心不測時霜露臣
節無虧任去畱莫怨平陵非善地敬輿先已到
忠州

其二

遯園草

望三

蕭蕭書劍出江潯握手叮嚀遲爾音千里霜華
迷曉騎一天雁影動悲吟淒風欲灑孤臣血明
月高懸聖主心此去陽春應不遠知君感泣
淚痕深

鄧孝威曰二作悲壯纏綿可謂情文備至

贈劉雪舫

朱輪華轂戟門新一旦滄桑化作塵劫火焚天
連闕下颺風吹爾落江濱乾坤長護冰霜血川

岳猶畱碩果身。莫怪此時憔悴甚。西山舊是食薇人。

其二

偶爾聞聲歎奈何。相逢不覺涕滂沱。禁門血碧凝燕市。邗水哀鶻叫薜蘿。寶鐔久沉英氣短。先忠未表淚痕多。感深時有悲吟什。猶是文山衣帶歌。

鄧孝威曰落葉哀蟬之聲聞之者無不凄然欲絕

遯園草

送葉星期歸吳門

知君久臥碧山岑。今日江干接爾音。千里聞聲方握手。一朝識面又分襟。秦淮風快揚帆早。吳苑楓飛落雪深。此去新詩應更穩。重開三徑自長吟。

鄧孝威曰穩之一字是素園深於學杜處自得之學不覺于送人寫出

題金正夏餐勝樓

法署弘開萬卷樓。琅玕百尺跨南州。捲簾日抱

鍾山色凭檻時聞淮水流。天際煙雲窓外接。吳宮花草坐中收。無緣拄杖攀躋去。空夢牙籤作勝遊。

懷漳城

欲說清漳意黯然。不堪迴首憶當年。千村桑稻瀾青野。萬戶樓臺接碧天。竟日歌筵長袖舞。通宵市燭滿城煙。豈虞數盡干戈火。白骨縱橫大道邊。

遯園草

其二

白骨縱橫亦可憐。窮簷比屋斷炊煙。但聞戰鬼環郊哭。誰見遺黎閉戶眠。斤斧縱尋千塚樹。輓輪坐罄萬家錢。哀哀勞苦顛連盡。安得繪圖上九天。

龔文思曰是一幅流民圖真可痛哭

登清涼山絕頂

獨上層崖俯大荒。披襟縱目浩茫茫。空林草滿

孤狸笑大壑。雲深虎豹藏。抱膝十年容。臥病振
衣千仞自彷徨。德公彭澤飄然去。惆悵鹿門五
柳旁。

龔文思曰置身萬仞峰
巔俯視餘人直培塿耳

其二

風散雲開寰宇晴。凭高遙望大江清。邊疆烽火
驚初定。世上戈矛險未平。漫說千金求馬骨。可
憐萬卷悞書生。英雄失足無歸路。悶坐山頭看
月明。

四六

龔文思曰今古
文人一齊下淚

其三

龍虎山河猶六朝。縱橫無際碧空遙。煙銜鍾阜
千峰樹。風送岷江萬里潮。芳樂苑前餘鼓角。莫
愁湖畔尚吹簫。臺城花草年年發。欲問遺宮已
寂寥。

龔文思曰此角聲
也淒楚而壯冽

其四

咬咬鳴鳥不堪聽。颯颯淒風何處停。亂後僅存
荒草寺。焚餘誰識翠微亭。

南唐于清涼山頂建翠微亭

半天

雲影連江白。四面峯嵐帶雨青。盤礴解衣聊縱
望。滔滔醉夢幾時醒。

龔文思曰四首中忽而弔古忽而寫景忽而憤世或愴或笑或怒或歌無一不極其妙

壽曹司農秋岳

秀嶽產良佐。熙朝出哲人。蒼鷹摩碧落。赤驥走

遯園草

四七

風塵子。建揆天。手終軍。弱冠身。奇才洵絕世。彩
管不無神。甫陟雲霞路。旋登清要津。繡衣頻破
柱。白簡屢批鱗。允矣乘驄吏。偉哉簪筆臣。衡文
三輔地。拔士九方甄。廐下無駑鈍。籠中皆異珍。
芳名動主聽。渥典自天申。班次方追閣。履聲
漸達宸。內卿除牧伯。黼屨念黎民。前代成規舊。
藩侯錫命新。簡繁績不異。中外秩惟均。偶厭簪
纓累。暫同木石鄰。書盈李鄴架。坐滿鄭莊賓。刻

燭詩千首。碎壺酒百巡。知章雖遠舉。安石豈終
淪。時際仲秋月。政逢生甫辰。光輝南極宿。照耀
大淮濱。錦篋階前湊。瑤輿戶外頻。里言拜手獻。
尚恐我公嗔。

鄧孝威曰體度整
雅亦秋翁實錄

懷遯園

自我出山園。桂花猶未發。花欲向我開。須待中
秋月。

遯園草

吳

龔文思曰直而
老此爲大家

其二

山中人迹少。園草滿山阿。別來三十日。草發應
更多。

其三

我在山中住。雲向山上飛。雲山亦喜伴。時時望
我歸。

龔文思曰自是君身有
仙骨世人那得知其故

寬鏡歎

美人娉婷鏡何故照人老。是我顏色衰。非關鏡不好。

龔文思曰詩至此已入化境矣難言難言

漁家樂

罾得小魚多。網得大魚肥。將魚往換酒。浴月棹歌歸。

其二

遯園草

兪

納涼綠柳下。放網碧溪邊。日餐鱸膾飯。夜伴鷺鷥眠。

龔文思曰悠然自遠

訪山僧

欲尋山中僧。須從山路去。白雲飛滿山。僧房在何處。

鄧孝威曰空山無人水流花開是此詩境

采蓮詞

照水錦蓮花。弄舟采蓮女。花外鷺鷥飛。花間女笑語。

龔文思曰兩
兩映帶妙絕

少年行

購得龍泉劍。光茫神鬼奔。但得讐人首。封侯何足論。

其二

走馬長安道。珠鞍白玉鞭。醉入名娼肆。千金買遯園草。

五

一眠

龔文思曰轟荆朱
郭諸人呼之欲出

宮人夜怨

上苑花齊發。苑中新月明。鑾輿不得見。夢裏聽歌聲。

龔文思曰得唐
人宮詞三昧

清溪返照

一派清溪水。微波自蕩漾。返照入溪來。雲霞在

水上。

鄧孝威曰是摩詰
輞川中得意之作

庚申冬鄧孝威見過贈詩次韻賦荅

久別鳳池黃髮翁。今朝枉過草廬中。數杯談盡
千秋事。金馬門庭是轉蓬。

其二

草筵却好值華辰。濁酒芹羹亦故人。握手長歌

林下興。何如醉夢困風塵。是日爲孝
威初度

遯園草

其三

衡門不羨五侯鯖。名士風流照眼青。羲獻少陵

同入坐。時孝威次公
借茶村同集文星一日在江寧。

其四

海陵偶在秣陵棲。萬卷圖書隨杖藜。却恨春來
君欲去。誰堪携手踏花泥。

龔文思曰四
絕音節和雅

集飲陳綠崖寓樓遲袁郎不至分得年字

片刻懷人如十年。聞聲已是又非然。樓頭月出
爐。爐冷依舊銷魂。淮水邊。袁郎家在秦淮上

陳綠崖曰蹀躞
搖曳絕代風流

孟冬月夜聽范可生彈漢宮秋操

曼音急調總移情。如慕如愁恨未平。入夜乍聞
腸欲斷。不須再聽暮猿聲。

其二

霜飛葉落夜燈寒。嫋嫋新聲獨自彈。海內知音
遯園草

至三

何處問一天。明月上欄干。

陳綠崖曰諷詠此詩
不須再聽漢宮秋矣

潞王墳

層壁重門映碧空。蕭蕭柏樹掛秋風。玉魚金盃
依然在。猶勝生前翡翠宮。

龔文思曰說到死後猶
勝生前可當王侯捧喝

銅雀妓

歌舞承恩難再期。西陵是妾斷腸時。朝朝絲竹

帷○中○奏○地○下○君○王○那○得○知○

龔文思曰結句妙絕
老瞞應含羞地下矣

紅橋

嫋○嫋○池○荷○拂○水○香○樓○臺○迢○遞○間○垂○楊○旗○亭○十○里○
笙○歌○路○誰○憶○當○年○是○戰○場○

龔文思曰繞梁之
聲直可上徹雲漢

舟子

紅○日○西○沉○欲○暮○天○輕○舟○淺○泊○綠○溪○邊○蘆○花○滿○岸○

逐○園○草○

五

無○人○到○惟○有○白○雲○伴○我○眠○

龔文思曰一
幅溪舟畫圖

清涼山遠眺

老○去○遊○觀○興○未○孤○登○高○縱○覽○納○全○吳○江○山○明○滅○
夕○陽○外○一○幅○煙○雲○墨○畫○圖○

龔文思曰以畫筆寫
出畫景縹緲獨絕

臨春閣故址

此○日○臨○春○蔓○草○萋○當○年○臺○榭○白○雲○迷○哀○鶻○多○少○

傷○心○痛○宮○樹○銷○殘○何○處○啼○

鄧孝威曰讀過覺苦
雨淒風一時俱集

秋夜宮怨

鳳○闕○更○移○玉○漏○沉○空○牀○獨○倚○淚○痕○深○秋○宵○縱○有○
長○明○月○難○照○宮○中○一○片○心○

龔文思曰怨極
矣然而不怒

秋夜聞笛

老○去○秋○來○恨○不○平○乍○歡○乍○歎○意○難○明○如○何○夜○半○

遯園草

殘○燈○下○又○聽○淒○涼○玉○笛○聲○

題吳昭昭秋山圖

秋○光○山○色○最○堪○憐○只○恨○衰○來○步○不○前○今○日○披○圖○
聊○縱○覽○此○身○恍○在○萬○峰○巔○

其二

描○盡○山○容○似○也○真○縱○橫○起○伏○總○如○神○君○家○道○子○
今○誰○繼○千○載○英○華○萃○爾○身○

遯園草卷終



